

DARURAT

1978

KOTA BAHARU, 12 FEB (BERNAMA)—SERI PADUKA BAGINDA YANG DIPERTUAN AGUNG TELAH BERKENAN MENARIK BALIK KUASA-KUASA MEMERINTAH SECARA DARURAT DI NEGERI KELANTAN MULAI HARI INI, DEMIKIAN DIUMUMKAN OLEH PEMANGKU PERDANA MENTERI, DATUK SERI DR. MAHATHIR MOHAMAD PETANG INI.

MENURUT BELIAU PERENTAH PENARIKAN BALIK UNDANG-UNDANG DARURAT ITU YANG DIWARTAKAN MALALUI WARTA KERAJAAN HARI INI PERKENANKAN OLEH SERI PADUKA BAGINDA SETELAH MENERIMA NASIHAT DARI KERAJAAN PUSAT.

+DENGAN PENARIKAN BALIK KUASA-KUASA DARURAT ITU, KUASA MEMERINTAH NEGERI KELANTAN SEKARANG DISERAHKAN SEMULA SECARA MUTLAK KEPADA MENTERI BESAR DATUK HAJI MOHAMED NASIR, + TEGAS DR. MAHATHIR.

DR. MAHATHIR JUGA BERKATA DENGAN PENARIKAN BALIK KUASA-KUASA ITU, MAKA KUASA PENGARAH KERAJAAN NEGERI, ENCIK HASHIM AMAN JUGA DIGUGURKAN MULAI HARI INI.

DR. MAHATHIR BAGAIMANAPUN BERKATA WALAUPUN PEMERINTAHAN DEMOKRASI TELAH DIPULIHKAN DI NEGERI KELANTAN, PERINTAH BERKURONG YANG DIKENAKAN DARI PUKUL 1 PAGI HINGGA 4 PAGI DALAM KAWASAN LEMBAGA BANDARAN KOTA BAHARU DAN MAJLIS TEMPATAN KUBANG KRIAN MASIH DITERUSKAN. —BERSAMBUNG 1728/MD

DHARURAT 2 KOTA BHARU

+SAMADA PERINTAH BERKURONG ITU AKAN DITARIKBALIK ATAU TIDAK SEEMUANYA NANTI TERSEERAH KEPADA MENTERI BESAR SELAKU Pengerusi MAJLIS KESELAMATAN NEGERI, + TEGASNYA.

DATUK SERI DR. MAHATHIR JUGA MENGUMUMKAN BAHAWA DENGAN PENARIKAN BALIK KUASA-KUASA DHARURAT ITU PILIHANRAYA DEWAN UNDANGAN NEGERI KELANTAN MUNGKIN DIADAKAN LEBIH AWAL DARI NEGERI-NEGERI LAIN.

BAGAIMANAPUN SAMAADA PILIHANRAYA ITU MAHU DIADAKAN ATAU TIDAK DENGAN KADAR YANG AWAL DAN TARIKH YANG SEBENAR IA AKAN DIADAKAN KINI TERSEERAH KEPADA BUDI-BICARA MENTERI BESAR SENDIRI.

DATUK SERI DR. MAHATHIR MENGUMUMKAN DEMIKIAN DALAM SATU PERJUMPAAN DENGAN AHI-AHLI UMNO DI DEWAN PERNIAGAAN CHINA DI SINI PETANG INI. TURUT HADIR DI MAJLIS TERSEBUT IALAH MENTERI KEWANGAN, TENGKU RAZALEIGH HAMZAH DAN SETIAUSAHA AGUNG BARISAN NASIONAL, ENCIK ABDUL GHAFAR BABA.

DATUK SERI DR. MAHATHIR JUGA MENEGASKAN BAHAWA UMNO BERSEDIA BEKERJASAMA DENGAN PARTI BERJASA PIMPINAN DATUK MOHAMED NASIR. BELIAU JUGA MEMBAYANGKAN KEMUNGKINAN BERJASA DITERIMA MASUK KE DALAM BARISAN NASIONAL.

+BAGAIMANAPUN SEMUANYA TERSEERAH KEPADA MAJLIS TERTINGGI BARISAN NASIONAL DAN SAYA SENDIRI TIDAK DAPAT MEMBERI KATA-PUTUS DALAM SOAL SAMAADA BERJASA DAPAT DITERIMA ATAU TIDAK KE DALAM BARISAN, + TEGASNYA. —BERSAMBUNG 1800/MD

EE

B569

DHARURAT 3 KOTA BAHARU

BELIAU BERKATA DENGAN PENARIKAN BALIK KUASA DHARURAT ITU KERAJAAN NEGERI KELANTAN SEKARANG DIPERINTAH OLEH SEORANG MENTERI BESAR DAN TIGA ORANG AHLI EXCO SAHAJA. KESEMUA AHLI-AHLI EXCO ITU TERDIRI DARI WAKIL-WAKIL UMNO.

MENURUTNYA KESEMUA EXCO PAS SERAMAI LIMA ORANG TELAH MELETAKKAN JAWATAN SELEPAS UNDANG-UNDANG DHARURAT DIISTIHARKAN DI NEGERI INI PADA 11 NOV. TAHUN LALU.

KATANYA MENURUT PERLEMBAGAAN NEGERI KELANTAN KERAJAAN HENDAKLAH SEKURANG-KURANGNYA DIANGGOTAI OLEH SEORANG MENTERI BESAR, SEORANG TIMBALANNYA DAN EMPAT ORANG EXCO.

+SEKARANG TERSERAHLAH KEPADA DATUK HAJI MOHAMED NASIR UNTUK MELANTIK SEORANG TIMBALAN MENTERI BESAR DAN SEORANG LAGI AHLI EXCO.+ KATANYA. —BERSAMBUNG 1803/MD

DHURARAT 4 KOTA BHARU'~'~'~'

DATUK SERI DR. MAHATHIR YANG JUGA NAIB PRESIDEN UMNO BERKATA, TINDAKAN MENARIK BALIK KUASA-KUASA MEMERINTAH SECARA DHURARAT DI KELANTAN DIAMBIL SETELAH KERAJAAN MENDAPATI MATLAMATNYA UNTUK MENGEMBALIKAN KEAMANAN DAN KETENTERAMAN DI SINI TELAH TERCAPAI.

KATANYA, KERAJAAN PUSAT SENTIASA MENUMPUKAN PERHATIAN KEPADA NEGERI KELANTAN SEBAIK SAJA DHURARAT DIISYTIHARKAN BERIKUTAN RUSUHAN YANG MELUTUS EKORAN DARI KRISIS POLITIK YANG TIMBUL SELEPAS USAHA-USAHA PAS HENDAK MENYINGKIR MENTERI BESAR, DATUK HAJI MOHAMED NASIR.

+SETELAH MENGENAL DENGAN MENDALAM, KITA BERPENDAPAT BAHAWA PEMERINTAHAN DHARURAT TIDAK PERLU LAGI DIKEKALKAN DI KELANTAN KERANA KEADAAN TELAH TENANG SAPERTI SEDIAKALA. MAKA KERAJAAN PUSAT TELAH MENASIHATI SERI PADUKA SUPAYA PEMERINTAHAN DHURARAT DITAMATKAN HARI INI,+ KATANYA.

KATANYA, SETELAH PEMERINTAHAN DHURARAT DITAMATKAN MAKA BERMAKNA KERAJAAN YANG DIPILIH OLEH RAKYAT BERKUASA SEMULA DI NEGERI INI MULAI HARI INI.

BAGAIMANAPUN KEADAANNYA SUDAH BERUBAH KERANA EXCO-EXCO PAS TELAH BERUNDUR ATAS KEHENDAK DAN DORONGAN PUCUK PIMPINAN PARTI ITU. —BERSAMBUNG 1815/MD

EE

B571

DHURARAT 5 KOTA BAHARU'~'~'~'

+DENGAN KETIADAAN AHLI-AHLI EXCO PAS ITU MAKA BERERTI PAS TIDAK MEMPUNYAI KUASA LAGI DI NEGERI INI DAN PIHAK-PIHAK LAIN JUGA TIDAK MEMPUNYAI KUASA KECUALI MENTERI BESAR DAN TIGA ORANG AHLI EXCO DARI UMNO. TAMBAHNYA.

MENURUT DR. MAHATHIR SEKIRANYA PILIHANRAYA DI KELANTAN HENDAK DIADAKAN LEBIH AWAL DARI NEGERI-NEGERI LAIN MENTERI BESAR MEMPUNYAI DUA PILIHAN IAITU SAMAADA MELETAKKAN JAWATANNYA ATAU MENASIHATKAN PEMANGKU RAJA SUPAYA DEWAN UNDANGAN NEGERI DIBUBARKAN.

KATANYA, SEMASA WAKIL-WAKIL PAS MENGEMUKAKAN UNDI TIDAK PERCAYA KEPADA DATUK HAJI MOHAMAD NASIR DULU, MENTERI BESAR ITU JUGA MEMPUNYAI DUA PILIHAN YANG SAMA TETAPI BELIAU (MENTERI BESAR) TELAH MEMILIH MENASIHATI PEMANGKU RAJA SUPAYA MEMBUBARKAN DEWAN.

+BAGAIMANAPUN KERANA KEADAAN HURU HARA DAN TIDAK BERKE- TENTUAN, MAKA KEPUTUSAN YANG DIAMBIL OLEH MENTERI BESAR TIDAK DAPAT DIAMBIL OLEH PEMANGKU RAJA KETIKA ITU DAN DHARURAT TERPAKSA DIISTIHARKAN+, KATANYA. —BERSAMBUNG 1820/MD

DHARURAT 6 KOTA BHARU

DATUK SERI DR. MAHATHIR JUGA MENEGASKAN BAHAWA DENGAN PENARIKAN BALIK KUASA-KUASA DHARURAT ITU MEMBUKTIKAN PEMERINTAH TIDAK TAMAK DAN TIDAK BERTUJUAN UNTUK MELIHAT PAS HANCUR TERUS.

KATANYA, KERAJAAN YANG MEMERINTAH KELANTAN SEKARANG BUKAN KERAJAAN UMNO ATAU BARISAN NASIONAL, KERANA MENTERI BESARNYA ADALAH AHLI SEBUAH PARTI YANG DILUAR BARISAN NASIONAL IAITU BERJASA.

AKALAU KITA TAMAK KITA BOLEH MENDORONGKAN PILIHANRAYA DIADAKAN DI KELANTAN DAAM BULAN OKTOBER LALU IAITU SEBELUM DHARURAT DIISYTIHARKAN KERANA PERLEMBAGAAN NEGERI MEMBERIKAN DEMIKIAN DAN JIKA DIADAKAN KETIKA ITU SUDAH PASTI PAS AKAN HANCUR KERANA TIDAK ADA SEORANG PEMIMPINNYA PUN YANG BERANI KELUAR UNTUK BERKEMPE, + KATANYA.

BELIAU SETERUSNYA MENJELASKAN, KERANA SAYANGKAN PERPADUAN ORANG MELAYU, PERDANA MENTERI TIDAK MENGAMBIL JALAN ITU, WALAUPUN DALAM KEMAMPUANNYA DAN SEBALIKNYA MEMBERI PELUANG KEPADA PAS MENJALANKAN KEMPEN DARI SATU TEMPAT KE SATU TEMPAT SEBANGKAN KERAJAAN PUSAT BEKERJA KERAS MEMPASTIKAN KEAMANAN PULIH DI KELANTAN MENERUSI PENGARAH KERAJAAN, ENCIK HASHIM AMAN YANG CEKAP ITU. —BERSAMBUNG 1855/MD

22

2577

DHARURAT 7 KOTA BHARU

BELIAU MENEGASKAN BAHAWA UMNO TIDAK MENENTANG PAS SEMATA-MATA KERANA IA PAS, TETAPI KERANA PEMIMPIN-PEMIMPINNYA LEBIH MENENTINGKAN DIRI SENDIRI DARI KESEJAHTERAAN RAKYAT.

BELIAU BERKATA, UMNO SANGGUP BEKERJASAMA DENGAN SESIAPA PUN YANG SANGGUP BEKERJASAMA DENGANNYA DEMI MEWUJUDKAN PERPADUAN DAN KESEJAHTERAAN ORANG MELAYU WALAUPUN MEREKA ITU AHLI ATAU PEMIMPIN PAS SENDIRI YANG INSAF AKAN KEADAAN ITU, TETAPI MEREKA TAKUT KENDAK KELUAR DARI PAS KERANA KEADAAN DISEKITAR DAN SEBAGAINYA. —BERNAMA 1859/MD